



Broj: 01-1-243-01/25

Sarajevo, 17.03.2025. godine

Na osnovu člana 21.a Zakona o zaštiti ličnih podataka Bosne i Hercegovine („Službeni glasnik BiH“, broj: 49/06, 76/11 i 89/11), člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24) i člana 118. Pravila škole broj: 01-1-6-241-01/25, a u skladu sa Pedagoškim standardima i normativima za srednje obrazovanje („Službene novine KS“, broj: 10/24, 21/24, 35/24), Školski odbor Javnoj ustanovi Treća gimnazija Sarajevo, je na 13. sjednici, održanoj dana 13. 03. 2025. godine donio sljedeći

P R A V I L N I K

O VIDEONADZORNOM SISTEMU

U JAVNOJ USTANOVI TREĆA GIMNAZIJA SARAJEVO

I PREDMET PRAVILNIKA

Član 1.

Pravilnikom o videonadzornom sistemu u Javnoj ustanovi Treća gimnazija, Sarajevo (u daljnjem tekstu: Pravilnik) bliže se određuje uspostava, pravni osnov, svrha, upotreba videonadzornog sistema u prostorijama škole i u dvorištu škole i opseg podataka.

II ODLUKA O VIDEONADZORNOM SISTEMU

Član 2.

Školski odbor Javne ustanove Treća gimnazija, Sarajevo donosi odluku o uvođenju videonadzornog sistema u Javnoj ustanovi Treća gimnazija, Sarajevo.

Član 3.

Bliže odredbe o uspostavi, svrhi, upotrebi, zaštiti i obradi ličnih podataka i završnim odredbama vezanim za video nadzor definišu se ovim Pravilnikom.

III ZAKONSKI OKVIR

Član 4.

Zakon o zaštiti ličnih podataka Bosne i Hercegovine član 21.a predviđa uspostavu videonadzornog sistema.



Član 5.

U skladu sa Pedagoškim standardima i općim normativima za osnovni odgoj i obrazovanje i normativa radnog prostora, opreme, nastavnih sredstava i učila po predmetima za osnovnu školu predviđena je uspostava odgovarajućeg videonadzornog sistema u srednjim školama.

IV SVRHA VIDEONADZORNOG SISTEMA

Član 6.

Svrha uspostavljanja videonadzornog sistema u Javnoj ustanovi Treća gimnazija, Sarajevo jeste neophodna optimizacija sigurnosti učenika, radnika, roditelja i posjetilaca škole, u toku nastavnog procesa u prostoru škole i školskog dvorišta, sigurnost objekta i imovine škole u periodu kada se ne izvodi nastavni proces (noćni sati, vikendi, neradni dani i blagdani, periodi kolektivnih godišnjih odmora) u svrhe predviđene Pravilima o kućnom redu Javne ustanove Treća gimnazija, Sarajevo.

Član 7.

Dozvoljena je upotreba videonadzornog sistema u smislu vođenja evidencija u skladu sa članom 43. Zakona o radu Federacije Bosne i Hercegovine.

V OPSEG PODATAKA VIDEONADZORA

Član 8.

Videonadzorni sistem škole obuhvata:

- a) Unutrašnje kamere i vanjske kamere.
- b) Nadzorne kamere imaju IR noćno snimanje i osjetljive su na pokret.
- c) Uređaj za pohranu videozapisa deponuje i arhivira videozapise, minimalno 30 dana.

Član 9.

Unutrašnje kamere pokrivaju glavne koridore, hodnike i komunikacije unutar škole.

Član 10.

Vanjskim kamerama vrši se nadzor nad školskim dvorištem i školskim igralištem, ulazima u školu i izlazom za vanredne okolnosti (iz sale).

Vanjskim kamerama nadzire se isključivo imovina škole i u svom opsegu nemaju susjedne objekte niti se na njima nadzire bilo čija imovina.

Član 11.

Na ulazima u školu i oko školskog dvorišta postavljaju se vidljivi znaci obavijesti:

PAŽNJA OBJEKAT POD VIDEONADZOROM!



VI UPOTREBA PODATAKA

Član 12.

Uređaj za snimanje se nalazi u holu, a monitori videonadzornog sistema u portirnici škole. Direktor škole može ovlastiti drugo lice škole da ima pristup administraciji videonadzornog sistema škole u svojstvu kontrolora, kada direktor nije prisutan u školi.

Član 13.

- a) Kontrolor videonadzornog sistema jeste direktor škole kao odgovorno lice.
- b) Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa članom 21.a Zakona o zaštiti ličnih podataka Bosne i Hercegovine.
- c) Podacima u smislu stava b) ovoga člana ovoga člana ovlašteno lice, u skladu stava a) ovoga člana, ima u prostorijama škole ili putem IP veze sa druge lokacije ili mobilnog uređaja.

Član 14.

Pristup administraciji videonadzora, monitoringu i obradi podataka imaju i ovlaštene policijske agencije i ministarstva unutrašnjih poslova u Bosni i Hercegovini uz predočenje validnog naloga.

Član 15.

Monitoring u realnom vremenu nad videonadzorom imaju i dnevni čuvari škole ili druga lica koja ovlasti direktor škole, bez mogućnosti pristupa snimcima, već isključivo praćenja u realnom vremenu.

VII ZAŠTITA LIČNIH PODATAKA

Član 16.

U skladu sa članom 21.a Zakona o zaštiti ličnih podataka Bosne i Hercegovine obezbjeđuje se zaštita i obrada ličnih podataka prikupljenih putem videonadzora:

- a) Snimci pohranjeni putem videonadzora na određenom prostoru na osnovu koji se može identifikirati nosilac podataka predstavljaju zbirku ličnih podataka.
- b) Kontrolor koji vrši videonadzor dužan je donijeti odluku koja će sadržavati pravila obrade s ciljem poštivanja prava na zaštitu privatnosti i ličnog života nosioca podataka, ako videonadzor nije propisan zakonom.

Član 17.

Evidencija nad zbirkom ličnih podataka u smislu tehničke izvedbe videonadzornog istema (arhivski videozapisi) definiše se članom 13. Zakona o zaštiti ličnih podataka Bosne i Hercegovine.



Član 18.

Pravilnik podrazumijeva poštivanje člana 30. Zakona o radu u Federaciji Bosne i Hercegovine, koji se odnosi na postupanje sa ličnim podacima radnika-kada je to propisano zakonom ili ako je potrebno radi ostvarivanja prava i obaveza radnika.

VIII PRELAZNE I ZAVRŠNE ODREDBE

Član 19.

Ovaj Pravilnik stupa na snagu od dana objave na oglasnoj ploči Škole.

Član 20.

Za tumačenje i odredbi ovog pravilnika nadležan je Školski odbor.

Član 21.

Izmjene i dopune ovog Pravilnika vrše se na isti način kao i njegovo donošenje.

Član 22.

Javnost se upoznaje sa sadržajem ovog pravilnika putem službene web stranice škole.

Pravilnik o videonadzoru Javne ustanove Treća gimnazija, Sarjevo je objavljen na oglasnoj ploči Škole danom donošenja.



Predsjednica Školskog odbora
Senada Đonko, dip. ecc.

Senada Đonko